

SYNODVS

DIOECESANA MILETENSIS


SECUNDA

AB ILLVSTRISS. ET REVERENDISS. DOMINO
D. OCTAVIO PARAVICINO
PATRITIO MEDIOLANENSE,

*Dei, & Apostolicae Sedis gratia Episcopo Miletense, Barone Galatri,
& eidem Sanctae Sedi immediatè subiecto*

CELEBRATA

Anno M. DC. XCII. Die 14. 15. & 16. mensis Aprilis.



Messanzæ, Ex Typographia Dominici Costa 1693.





OCTAVIUS PARAVICINVS

PATRITIVS MEDIOLANENSIS,

Dei, & Apostolicæ Sedis gratia Episcopus
Miletæn. Baro Galatri, eidemque
Sanctæ Sedi immediatè subiectus.



VM primùm ex Dei largitate, qui vocat ea, quæ non sunt, tanquam ea, quæ sunt, ad Episcopatus Infulas evecti sumus, commissi Gregis impositum nostris humeris onus, non sine timore, ac tremore meditabamur (quippè tantæ molis illud est, ut sit vel ipsis Angelis pertimescendum) ad quos, ut bene notat Ambrosius, sermo ille dirigitur, *Esto vigilans, & confirma*. Agitabatur in dies pavor, variiisque cogitationum fluctibus agitabamur, nos ad tantum munus administrandum, pares vires, parem animi magnitudinem afferre non posse; siquidem, si magni momenti res est subducere rationes cum Iudice Deo de propria anima, quæ unica est, & indivisa Societas, quanto magis erit pertinescendû, cum terribili iudicio exquiret Deus creditarum Ovium sanguinem de manibus nostris, ut loquitur in sacris paginis; cum coget nos rationem reddere de tot Animarum manipulis, quarum viæ incertæ, & latibrosæ, Statio instabilis, atque Habitatio remotissima! At perfecta charitas procul pellit timorem, quinimmò timor excitat charitatem, excitat sollicitudinem Ecclesiarum, excitat zelum domus Dei. Quamobrem non nostris viribus freti, sed gratia ejus, qui confortat nos, operaturi, ut speramus, finem vocationis nostræ,

*Lib. 2. in. cap. 2
Lucæ.*

S Y N O D I

DIOECESANÆ MILITEN.

SESSIO PRIMA.

De Fide Catholica. Cap. I.

Fides, ut habet Apostolus *a*, cum sit omnium bonorum spiritualium fundamentum; idcirco ab illa duximus incipiendum. a Hebr. II.

1 Fidem non solum interiùs fateri debemus, verùm etiã exterius. Ideò partes cujuslibet Christi fidelis erant, ut semel in vita, multò magis in mortis articulo fateatur expressè.

2 Eam verò profiteantur exterius, qui de jure tenentur, ad formam constitutionis Pii IV. incipien. *Iniunctum*. In hoc autem decreto includimus etiã *b* Ludimagistros: & licentiã illis data pro legèdo, singulis *c* trienniis renovetur. Cancellarius *d* noster habeat librum in Cancellaria, in quo singulorum nomina, qui fidei professionem emiserint, annotentur, cum eorum, & testium subscriptione.

3 Qui *e* noverint hæreticos, vel de hæresi suspectos, necnon maleficos, veneficos, magos, & alios huiusmodi, denuncient Nobis ad formam nostri Edicti nuper emanati, quod ponitur in appendice. Contrafacientes, subjaceant excommunicationi, à qua absolvi non possint, nisi facta priùs denunciatione, & licentiã à Nobis obtenta. Huiusmodi autem Edictum Parochi Populo evulgent prima Domiuica Adventus, & Quadragesimæ.

4 Lectio librorum prohibitorum sit omnibus vetita; & propterea pœnis, & censuris alijs in Indice latis volumus affici detentores, & lectores huiusmodi librorum: & non absolvantur, nisi venia à Nobis habita, & dictis libris exhibitis. Habentes verò facultatem legendi libros vetitos, eã teneantur Nobis ostèdere, juxta Constit. Papæ Urbani VIII. incipien. *Sancitissimus*. Parochi omnes studeant habere novissimam Indicem librorum prohibitorum.

De Doctrina Christiana. Cap. II.

Certum est, & experientia ipsa comprobatum, pueros, qui veræ Doctrinæ pabulo non enutriuntur, sensim ad vitia declinare: nunquam enim de hoste reportabunt triumphum, si in Ecclesiæ palestra pugnandi artem non fuerint edocti.

1 Parentes itaque, & omnes ad quos spectat, ducant, vel saltem mittant parvulos ad Ecclesias Dominicis diebus: Si tamen negligant, sciant

RECOLLECTIO

CONSTITVTIONVM

APOSTOLICARVM,

RESOLVTIONVM

SACRARVM CONGREGATIONVM,

Et aliorum documentorum

ad præsentem Synodum

pertinentium,

*Pro usu peculiari Parochorum, & Sacerdotum
Civitatis, & Diœcesis.*